



## Premi grischun da cultura, premis da reconuschientscha e da promoziun 2020

### 1. Il Premi grischun da cultura 2020 vegn surdà a

#### **Guido Baselgia (1953), fotograf da Malans**

La Regenza surdat il Premi da cultura dal chantun Grischun 2020 a Guido Baselgia. L'artist da Malans è in expert da la fotografia da cuntradas. Ses maletgs en alv e nair da las muntognas dal Grischun e da las cuntradas da crappa da quest mund rendan abels da vesair, preschantan la basa da la terra e mussan la plauna passageritad dal mund. Guido Baselgia è in poet da la glisch, in reporter da la bellezza ed in maister da l'artisanadi e da la tecnica da la fotografia. Il premi è dotà cun 30 000 francs.

### 2. In premi da reconuschientscha da mintgamai 20 000 francs vegn concedì a:

#### **Mübeccel Akdis (1960) e Cezmi Akdis (1961), scenziada e scienzà da la natira, Tavau**

La Regenza surdat a Mübeccel e Cezmi Akdis in premi da reconuschientscha per las scienzas naturalas. En l'Institut svizzer da retschertgas davart allergias ed asma ISRA a Tavau lavuran la medicinra ed il mediciner vi d'enconuschientschas epocalas davart la regulaziun da l'immunitad da l'uman.

#### **Cäcilia Bardill (1948), magistra e politicra da musica, Tavau**

La Regenza surdat a Cäcilia Bardill in premi da reconuschientscha. Sper sia lavur sco magistra da musica è ella s'engaschada vehementamain, endinadamain e cun success per la promoziun musicala en il chantun Grischun. Durant blers onns ha ella influenzà e concentrà – da maniera promoventa, ma er pretendenta – ils interess da las scolas grischunas da chant e da musica.

#### **Breitbild, rappers, Cuira**

La Regenza surdat a la band Breitbild (fundada l'onn 1999) in premi da reconuschientscha. Thom Businger, Claudio Candinas, Andri Perl e Valerio Priuli èn sa scuntrads avant passa 20 onns sco rappers giuvenils. Da la gruppa d'amis èn els sa transfurmads a la gruppa da musica che ha sviluppà cun spiert, savida e fitgadadad lur art – il rap en il dialect da Cuira – e gi success cun quel.

#### **Miriam Cahn (1948), artista, Stampa/Basilea**

La Regenza surdat a Miriam Cahn in premi da reconuschientscha. La pictura e disegnadra excellenta è in exempel per las artistas ed ils artists che han tschernì il Grischun sco spazi da viver e d'abitar e che portan uschia aria internaziunala en il chantun.

#### **Ursina Hartmann (1950), actura e reschissura, Cuira**

La Regenza surdat ad Ursina Hartmann in premi da reconuschientscha. L'actura e reschissura brigliescha dapi blers onns sin la tribuna. Ella è ina dunna che chapescha en moda sensibla e captivanta da giugar las grondas e las pitschnas rollas dal teater.

#### **Gruppa culturala St. Antönien**

La Regenza surdat a la Gruppa culturala St. Antönien (fundada l'onn 1992) in premi da reconuschientscha. Dapi bunamain 30 onns procura ina pitschna gruppa da personas nunstanclentaivlas per cultura en la val da St. Antönien. Ella tgira in museum cun exposiziuns ch'èn mintga giada originalas, organisescha occurrenz, fa curaschi, ha plaschair e stgaffescha memoria ed avegnir per la vita en las Alps.

**René Schnoz (1966), actur e reschissur, Mustér/Turitg**

La Regenza surdat a René Schnoz in premi da renconuschientscha. L'actur e reschissur surprinda adina puspè cun producziuns nunusitadas da teater d'amateurs, saja quai sisum las muntognas en las chamonas CAS u puspè giu en las vals.

3. In **premi da promoziun** da mintgamai 20 000 francs vegn concedì a:

**Elia Aubry (1984), artist, Sevgein/Berna**

La Regenza surdat ad Elia Aubry in premi da promoziun. L'artist experimentescha cun bravura e senza sforz cun suns, cun maletgs, cun sequenzas da maletgs sco er cun videos.

**Carla Gabriela Engler (1992), scienziada da film ed artista, Zizers/Turitg**

La Regenza surdat a Carla Gabriela Engler in premi da promoziun. Ella collia en moda fascinanta sia savida da scienziada cun la savida d'artista.

**Andrea Furger (1995), fotograf, Mesauc/San Murezzan**

La Regenza surdat ad Andrea Furger in premi da promoziun. Il giuven fotograf da la Mesolcina posseda las qualitads artisticas adequatas. Suenter esser sa domicilià en Engiadina, èsi reussì ad el da far or da sia passiuin er sia professiuin e da daventar fotograf da sport, da cuntradas e da reclamas.

**Asa S. Hendry (1999), autura ed actura, Surrein**

La Regenza surdat ad Asa S. Hendry in premi da promoziun. Asa. S. Hendry lavura sco autura, sco actura e sco performra. Ella surprinda, irritescha e motivescha.

**Chiara Jacomet (1991), chantadura, Rabius**

La Regenza surdat a Chiara Jacomet in premi da promoziun. Cun ina vusch bassa impressiuinanta e cun buns texts vegn ella a far sia via sco chantadura e sco artista.

**Jérôme Keel (1998), battarist, Panaduz**

La Regenza surdat a Jérôme Keel in premi da promoziun. Il battarist è in musicist talentà che stat – cun mo 22 onns – davant ina gronda carriera e che vegn bainprest ad esser in schumbrader extraordinari ed exemplaric per il Grischun.

**Marina Woodtli (1987), artista, Cuira/Basilea**

La Regenza surdat a Marina Woodtli in premi da promoziun. L'artista multifara stgaffescha istorgias insistentas davart personas, davart lur solitariadad e davart lur tschertga da cumpagnia.

**Jessica Zuan (1984), autura, Samedan/Barcelona**

La Regenza surdat a Jessica Zuan in premi da promoziun. La poetessa cun gust d'experimentar ha gia scrit ina retscha da poesias extraordinarias damanaivel da las cuntradas e da la natira, che sa storschan andetgamain en la profunditad davos ils plects.

Ils premis vegnan surdads en il rom d'ina festa che ha lieu venderdi, ils 12 da zercladur 2020, a las 17.15 a Malans.

Gremi: Regenza

Funtauna: rg Chanzlia chantunala dal Grischun